

O. fulgens Schltr., nov. spec.

Epiphyticum erectum sub anthesi certe supra bipedale; rhizomate valde abbreviato; radicibus satis tenuibus filiformibus, flexuosis; pseudobulbis valde approximatis, ovalibus, unifoliatis, compressis, mox rugosis, latere utrinque vagina 1—2 foliifera protectis, 4 cm longis, medio fere 2—2,5 cm latis; inflorescētiis paniculatis, in axillis vaginarum singulis, erectis, certe supra bipedalibus, mihi nondum notis, multifloris; bracteis hyalinis, lanceolatis, acuminatis, ovario graciliter pedicellato multoties brevioribus; floribus in genere inter mediocres, glabris, fulgido-aureis, basin versus sparsim brunneo-maculatis; sepalis oblanccolato-spathulatis, obtusis, intermedio 1,1 cm longo, marginibus leviter undulato, lateralibus falcato-obliquis, marginibus leviter undulatis, c. 1,5 cm longis; petalis sepalis lateralibus valde similibus, tamen brevioribus, 1,1 cm longis; labello e basi transverse rhombea in isthmum satis longum bene angustato, deinde in laminam apicalem reniformem apice excisam marginibus leviter undulatam sursum dilatato, basi callo 4-dactylo minutissime papilloso ornato, labello toto 1,7 cm longo, supra basin 1 cm lato, in medio isthmi 5 mm lato, lamina apicali c. 7 mm longa, infra medium 1,35 cm lata; columna brevi, c. 5 mm alta, auriculis semiovatis, apice acuminatis, callis 2 infra stigma minutissime papillosis; ovario pedicellato, gracili, glabro, c. 1,8 cm longo.

Panama: Chiriqui, 4000—5000 Fuß ü. M. — no. 157, blühend im Februar—März.

Nach der Abbildung zu urteilen dürfte unsere Art mit *O. angustisepalum* Kränzl. verwandt sein. Sie unterscheidet sich aber durch den anders gestalteten, papillösen Lippencallus, die zugespitzten Lippenöhrrchen und die papillösen Säulenschwielen.

Die Blüten sind leuchtend goldgelb mit wenigen braunen Flecken am Grunde der Perigonteile.